

ասում է Առաքել Գալթեցին՝ մտաբերելով իւր  
հոգեւորական պարտաւորութիւնը «եղ» ասում է՝ զան-  
ձըն իւր ի վերայ բանաւոր հօտին Քրիստոսի՝ ի վե-  
րայ ամենայն ժողովրդեան Բաղիշու, և արարեալ  
զսիրտ իւր ի բրզկարծր վէմ և մտեալ  
առաջի թագաւորին (Ջահանշահի) ետ զանձն իւր  
փրկանս փոխանակ բազմաց, տուեալ զձեռա-  
գիր՝ առնուլ զհարկս յամիրայէն Բաղիշու և տալ  
կայսերն (Ջահանշահին) առ ի մնալ երկրին ի խա-  
ղաղութեան» Բռնաւորն ընդունեց կաթուղիկոսի  
երաշխաւորութիւնն և տուեց նորան «նշանագիր և  
հրաման՝ առնել զինչ և կամեսցի» Արիաջան հայ-  
րապետը «վաղվաղակի ձիւնթաց արշաւմամբ» Թաւ-  
րեղից Բաղէշ գնաց և փառաւոր ընդունելութիւն  
գտաւ այնտեղի ամիրայից, խաղաղութեան պայման-  
ներն որոշեց, հասաւ Խլաթ և Ջահանշահի զօրա-  
գլուխներին երկրորդ «ձեռագիր» տուեց, և հաս-  
տատեց խաղաղութիւնն երկու իշխանութիւնների  
մէջ։ Ինքն երեք ամիս նստաւ Բաղէշում և խոստա-  
ցած հարկերն ստացաւ, տարաւ յանձնեց Ջահան-  
շահին. Եւ ազատեաց, ասում է պատ-  
միչը՝ զամենայն խառնիճազան ճժո-  
ղովորդ զՀայ և զՏաճիկ ի ձեռաց  
թշնամեաց և ի դառն գերութենէ։  
Այս ամէնն այսպէս լինելուց յետոյ՝ շատ բնական  
է, որ ժողովուրդն օրհնում էր հայրապետին, շատ